



江蘇省地方志編纂委員會辦公室編

江蘇歷代方志全書

40



江蘇省地方志編纂委員會辦公室編



鳳凰出版社

江蘇歷代方志全書

40

省部

ISBN 978-7-5506-2279-1



圖書在版編目（C I P）數據

江蘇歷代方志全書. 省部 / 江蘇省地方志編纂委員會
辦公室編. — 南京：鳳凰出版社，2015. 11
ISBN 978-7-5506-2279-1

I. ①江… II. ①聞… ②陳… III. ①江蘇省—地方
志 IV. ①K295.3

中國版本圖書館CIP數據核字(2015)第252778號

- 書 名 江蘇歷代方志全書·省部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號, 郵編:210009
出版社網址 <http://www.fhcbs.com>
經 銷 鳳凰出版傳媒股份有限公司
印 刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開 本 889×1194毫米 1/16
印 張 1863.25
版 次 2015年11月第1版 2015年11月第1次印刷
標 準 書 號 ISBN 978-7-5506-2279-1
定 價 39200.00圓(全四十九冊)
(本書凡印裝錯誤可向承印廠調換, 電話:0514-87969255)

江蘇省通志稿（十三）



繆荃孫
馮煦等纂修
莊蘊寬

第四十册目錄

江蘇省通志稿（十三）

.....

〇〇一

江蘇通志

古蹟回
淮安府

江蘇通志前編古蹟志稿

四



江蘇通志古蹟志卷二百十

古蹟四〇

淮安府

東海國今淮安府後漢書東海恭王彊傳建武十九年封

臨淮國今淮安府後漢書臨淮懷公傳建武十五年立

淮臨國今淮安府後漢書王霸傳建武三十年定封淮陵侯

射陽故城在山陽縣東南漢高六年封劉為射陽侯後為縣

柘塘城在山陽縣西南四十里南畿志云其城三座約圍一里

許隋煬帝遊江都聚糧於此

劉王城在山陽縣東南十里運河西世傳漢吳王濞所築

西遼城在山陽縣東二里唐太宗征遼時駐兵於此故名

新城在山陽縣西三十五里宋咸淳間置

山陽故城在今山陽縣南晉義熙間置山陽縣兼置山陽郡治

焉

杏壇在府學大成殿後宋嘉定間郡守應純之植杏為壇

轉轍倉在山陽縣運河之西岸唐江淮漕運於此轉送關陝北

有運河堰周世宗始置滿浦關以通水路

宴化樓在山陽縣南即舊城南門樓其西門樓曰望雲南唐建

月波樓在府治舊通判廳

鎮淮樓在山陽縣舊城橋西北宋鎮口都統司酒樓

劉伶臺在山陽縣東北七里臨淮水唐許渾詩云劉伶臺下稻
花晚韓信廟前楓葉秋

水教亭在山陽縣望雲門宋太守應純之間管家湖以教舟師

因建此亭

望淮亭在山陽縣西門外舊仁濟橋側

南昌亭在山陽縣西三十五里地道記註云韓信從亭長寄食

枚臯宅趙嘏宅在府淮陰舊縣南趙嘏詩云家住枚臯舊宅邊

老鸛河在山陽縣西七十里周世宗顯德五年伐虜至北辰堰

齊雲艦大不能通過遂開此水

紫極宮畫在山陽縣城西南隅宋楊傑記云嘗有仙來遊題詩

於壁刮之不滅又有李公麟畫猿戲馬驚而國人觀之時稱

奇筆

漢楚王韓信母墓在府西四十里與漂母墓對

漂母墓在府西四十里

枚臯墓在舊淮陰縣今失其所

唐盧國公程知節墓在府治東南紫雲宮前紹興十年韓世忠

築城掘地得碑銘按知節陪葬昭陵事見唐史掘地得碑始

自宋王象之輿地記勝後人皆仍其誤耳

宋少卿張美墓在府城北七里或云在城西舊淮陰縣

教授徐積墓在府東三里塘有節孝祠

高陽郡主韓渙墓在舊城西門外

刺史趙師墓在府城東三里塘

觀察使趙立墓在山陽縣北辰鎮

明沐陽伯金源墓在府東門外五里石塘

尚書沈翼墓在府南平河橋東岸

侍郎楊理墓在府西鉢池山

太子太保葉湛墓在府移風牆西岸

侍郎葉贊墓在府治西十里更字舖

侍郎蔡昂墓在府治南包家園

侍郎胡璉墓在府治西石塘

御史潘頊墓在府平河橋

都御史盧惠墓在府城西安樂鄉

都御史楊靖墓在府柳淮鄉

趙母墓在府城西門外母鳳陽人明太祖徵時母備儀物送太

祖至皇覺寺為僧太祖與母年近百歲乃卒諭葬漂母祠旁

清提學僉事劉芳聲墓在府南楊家莊

知縣劉昌言墓在山陽縣城東三里塘

關若璩墓在山陽縣治東南塔兒頭學山墩
文峯塔在阜甯縣城南

巢城在鹽城縣治北百二十里黃巢屯兵於此

鹽城監在鹽城縣南新唐志云鹽城縣有鹽亭一百二十三所

寰宇記云鹽城監古之鹽亭也歷代海岸煎鹽之所南唐以鹽

城監其後因而不改管鹽場九所在縣南北俱臨海岸曰伍祐

紫莊南八遊北八遊丁溪竹子新興七惠四安等

鐵柱岡在鹽城縣東門外明一統志云相傳秦王繫馬柱或云

瀕海多蛟龍以此鎮之

石人頭出土高四尺五寸在鹽城治北六十里近海岸一里

瓜井在鹽城縣內孫鍾種瓜處南畿志云去治東北半里畧不竭

宋丞相陸秀夫墓在鹽城縣西南

淮陰故城在清河縣東南五里秦賈漢封韓信為淮陰侯後仍

為縣晉永和間荀羨鎮淮陰以地形都要屯兵無地乃營立城

池歷代為重鎮水經注云淮水東北經淮陰故城即此

甘羅城在清河縣舊淮陰縣治北相傳為秦甘羅所築南畿志

云雨後常於土中得小錢篆文不可識或云即甘羅墓處

韓信城在清河縣故淮陰城東接山陽縣寰宇記云信本淮陰

人宅塚處所並存後受封為侯因築此城

清河故城在清河縣東北五里宋置

吳城在清河縣西二十里小清河南岸東西有二城相隔五里
宋南渡後置縣紹興二年罷縣為鎮

千金亭在清河縣淮陰舊縣西漂母飯韓信信貴賜千金後人
因築亭其上又有漂母岸在淮陰故縣南

三亭俱在清河縣韓亭在淮陰故縣南枚亭在淮陰故縣北

步亭在淮陰故縣西橋南以韓信枚皋步隱得名宋晁端彦詩

云韓枚步隱建三亭故顯當時將相名

韓王莊在清河縣舊淮陰縣西北與廟驛鋪相連舊傳韓信生
於此

宋史欽墓在清河縣北金城鄉

襄賁故城在安東縣北劉宋泰始中僑置應劭曰賁音肥

淮浦故城在安東縣西漢置或曰即今縣治

連水三城在安東縣南畿志云大城東城二所相連止隔一濠

謂之市河又有西城少遠百餘步各有城濠俱宋嘉熙四年知

府蕭均所築

沙將軍城在安東縣東北五十里一帆河東又有營城在縣北

十五里元末董搏霄所築

抱月城在安東縣西二十里支家河西城抱淮泗之水形勢似

月

金城故縣在安東縣北唐置九域志云連水縣有金城鎮即故

縣也或曰即襄故城

豹隱堂在安東縣文廟前宋時建趙鼎初館於連水守幕尋以

學士知連水人名其堂曰豹隱

佛陀磯在安東縣北五十里世傳異道者未出家時取魚置船

隨魚去任人以為異因名佛陀磯

九陽洞在安東縣治東一里上真觀世傳徐稀修煉於此

赤岸在安東縣治東十里西三十里亦有赤岸

金剛嘴在安東縣治西南三里當淮水之衝築以殺水勢為西

城之護南畿志云或曰殘碑上有尉遲恭字

沈墨池在安東縣治右宋郡守米希去官時滌硯處

學城在桃源縣北二十里俗傳孔子適楚駐此邦人從學焉

靈城在桃源縣西北十七里相傳楚靈王所築

桃園故城今桃源縣治全史云泗洲有淮濱縣興定二年以桃

園鎮置元光二年廢元至元十四年復置曰桃園縣其後乃訛

曰桃源

泗陽故城在桃源縣東漢置水經注云泗水經魏陽城北城枕

泗川疑即泗陽故城魏文帝臨廣陵所經因以改名也

陸城在桃源縣西五里相傳吳陸遜所築

淮陽故城在桃源縣西北隋志云梁置淮陽縣魏置綏化縣後

周改縣為淮陽水經注云泗水東南經淮陽城城北臨泗水即

此按晉末有淮陽郡魏高閏曰去角城十八里當蔡清河縣界而水經注泗水所經之淮陽乃在泗陽之上蓋非晉魏之淮陽也

揚州府

廣陵城在府東北去江四十里戰國楚邑史記楚懷王十年城廣陵秦置廣陵縣漢吳王濞都此後為江都國又為廣陵國後漢為廣陵郡隋曰揚州故城西據蜀岡北包雷陂外有大城中為子城亦曰牙城周顯德四年韓令坤以城大難守築故城東南隅為小城以治之既而李重進始改築於故城南二十里宋建炎三年郭棣知揚州以故城憑高臨下四面險固即遣址建

築謂之大城明初於大城西南隅改築而故城廢

江都故城在江都縣西南四十里漢置寰宇記云城臨江水為水所侵蓄無復餘址

齊陵廢在江都縣東南六十里齊永平初置建武五年過父陵湖水立表墟屯移縣於萬歲村

江陽廢縣在江都縣隋志云舊曰廣陵開皇十八年置縣曰邗

江大業初更名江陽

宋郊壇在江都縣南門外法雲寺建炎二年高宗祀天南郊築壇在此

隋臨江宮在江都南二十里大業七年帝升釣臺臨揚子津大

宴百僚遂建此亦曰揚子宮宮內有凝輝殿宮西有懸鏡亭澄澄月亭春江亭又有顯福宮在城外東北詳見宋寶祐志趙鶴郡乘

宋行宮在江都縣治宋建炎元年高宗奉太后至揚州駐此

揚吳故宮在江都縣舊子城內久廢

元鎮南王宮在府城西北六里元世祖二十一年封子脫歡為

鎮南王居於揚州

宋章武殿在江都縣建隆寺宋祀太祖御容於此

甲仗樓在江都縣新城晉謝安建

文選樓在江都縣太平橋北旌忠寺大業拾遺記云有梁昭明

太子文選樓王觀揚州賦云帝子久居兮空文選之樓

鳳凰樓在江都縣廣北鄉鳳凰池側十道志云隋煬帝建

簫邊樓在江都縣宋郭棟知揚州建曰簫邊又即府南門城建

樓曰鎮淮

明月樓在江都縣大街東元富民趙氏嘗宴客樓上趙孟頫過

之乞作楹帖題云春風閣苑三千客明月揚州第一樓主人大

悅微酒器為壽

江淮勝槩樓在江都縣瓜州鎮明正統十三年周忱建王英記

騎鶴樓在江都縣大街內以太平廣記騎鶴上揚州句名

彭城閣在江都縣大業雜記注云舊為彭城村隋煬帝因地名

閣

延和閣在江都縣治內唐高駢建高八丈飾以珠玉綺寶繡戶每旦焚名香列異寶以祈王母之降羅隱詩云延和閣上千雲小語猶疑天上聞燒盡降真無一事開門迎得畢將軍

觀風亭

湖渚亭並在府城內歐陽永叔集景祐三年七月至

揚州遇秀才廖倚及子聰於觀風亭又與集賢校理王君玉大理寺丞許元太常寺太祝唐詔祠部員外郎蘇儀甫會飲於湖渚亭

玉鈞亭在江都縣唐李夷簡鎮淮南於城西南見新月如鈞遂建此亭

賞心亭在江都縣唐李蔚鎮淮南於鐵馬臺西建此亭通薛陽

陶至奏蘆管一曲其聲自然如來天上蔚大嘉賞贈以詩云虛心纖質雁銜餘鳳吹龍吟定不如亭未有名因名賞心春明退

錄云唐成都有散樓河中有薰風樓綠莎廳揚州有賞心亭潤州有千畝亭皆勝蹟

竹西亭在江都縣大儀鄉寶祐至志云官河北岸禪智寺前唐

杜牧詩誰知竹西路歌吹古揚州因名

風亭在江都縣治內宋徐湛之為南充州刺史以廣陵城北多陂澤水物豐盛乃建風亭月觀吹臺琴臺並在官城東北角池

側招集文士極一時遊玩之盛又於城南起萬歲樓以望鍾山

無雙亭在江都縣后土殿西宋王禹偁移瓊花詩序云后土殿瓊花天下第一株耳歐陽永叔收揚州作無雙亭以賞之彼土人別號八仙花或曰李衛公所賦玉蕊即此非也詳見辨訛又有瓊花臺則元人以八仙花補植者

美亭亭在江都縣治內宋歐陽修建鄭興裔重修

斗野亭在江都縣邵伯隸宋熙寧二年建輿地志云揚州於天文屬斗野故名紹興元年鄭興裔更造於州城迎恩橋南定間崔輿之改題曰江淮要津

四柏亭在江都縣宋元豐中教授崔浩著四柏賦以見志淳熙中重建學宮教授彭方復植四柏於廳事之南因以名亭

借山亭在江都縣九曲池北宋馬仲甫買池築亭名曰借山

勸耕亭舊在江都縣淮海堂後每歲仲春郡守出郊勸農寓於上方寺宋慶元五年鄭某改建亭於寺前遂移舊亭題額於此

江山風月亭在江都縣瓜州鎮東南元熊漢卿別墅鎮南王嘗避暑於此

孔融臺在江都縣寶鏡巷內宋文饒賦云廣陵東南有顏太師

猶子宅即孔北海故臺

園難臺今失所在按拾遺記端帝於吳公宅園難臺下悅悅與陳後主相遇杜牧揚州詩云秋風放螢死春草關難臺

萬邱臺在江都縣禪智寺側宋歐陽修築府志云臺名取鮑照

軸以崑岡之句明歐大任詩云地軸橫崑岡上有百尺臺

戲馬臺在江都縣桂花叢談作戲馬亭後山詩話云其下路即

玉鈞斜

吳王溝釣臺大觀圖經云在揚州城北十二里高二丈

四并堂宋韓琦於郡圖建堂取四難并之義府志云後慶元中

趙鞏復建於杏花村

康山草堂在江都縣新城東南陽樂為山構堂其上明正德

康海去官客揚州與名流常譙此董其昌題額曰康山草堂

芍藥廳在江都縣治內輿地統紀勝云州宅舊有此廳在都廳

之後聚一洲芍藥絕品於其中今鎮淮是也

董仲舒宅在江都縣大東門外今兩淮運司署即其地內有董

井府志云井上有亭有碑

謝安宅在江都縣運司前法雲寺內晉寧康間安鎮廣陵居此

手植雙檜至唐猶存

呂僧珍宅在府治內時有宋季雅者罷郡還卜居僧珍宅側僧

珍問宅價答一千一百萬僧珍訝其貴季雅曰百萬買宅千萬

買鄰

楊行密宅即江都縣之光孝院行密於光化間以宅施為僧院

李昇宅在江都縣春亭亭

高麗館在江都縣南門外宋元豐七年設京東淮南築高麗館

以待朝貴之使紹興三十一年向子固重建榜其門曰南浦亭

曰瞻雲

皂角林在江都縣瓜洲鎮北原有皂角樹三株相距數里南畿

志云今為遞鋪宋楊萬里詩有河邊落葉知何樹今古相傳皂

角林之句

為之

壺春園在江都縣大市東宋寶祐志云東酒庫內有佳麗樓稱

郡勝處即此

影園在江都縣明鄭元勳別業崇禎庚辰夏園中黃牡丹盛開

廣集名流譙賦南海黎遂球作稱第一元勳貽以二觥一時稱

盛

唐郡園在江都縣唐開元間有杏數十株花時如錦太守張晏

立館其下曰爭春後人號園曰杏村

芍藥園在江都縣禪智寺前韓琦守郡園中發金帶園四朶非

常種也譙時王珪為監郡王安石為幕官陳升之初授銜尉丞

過此亦與焉各簪其一後四公相繼登宰輔

桑里在江都縣西南二十里宋大明三年沈慶之攻竟陵王誕

於廣陵宋主命於桑里置烽火即此

關鴨池在江都縣漢江都易王故姬李陽華常畜鴨關於池上

磨劍池宋寶祐志云隋鑄錢監在磨劍池之西

隋隄在江都縣隋大業初開和溝入江渠廣四十步傍築御道

樹以楊柳時謂之隋隄唐劉禹錫詩揚子江樓烟景迷隋家宮

樹拂金隄

龍舟堰在江都縣南二十里揚子橋西魏主玉臨江試龍舟於

此因名

灰步井在江都縣灰步山相傳魏主肅所鑿又煉丹井在古儀

徵觀後

玉勾井在江都縣蕭釐觀後名勝志云昔有黃冠持畫軸見守

帥畫中字皆雲章鳥篆不可識既去使人尾其後至后土祠井

而歿乃使獄囚縱下視之見一洞署曰王勾洞天

漢廣陵王胥塚在府城東武鄉甘泉山郡國志云歲旱鳴鼓遶

塚輒致雲雨

江都王建塚在府境

三魏將軍張遼墓在府城西北大儀鄉

南北朝齊褚澄在城北三十五里陳源橋澄用石十八片為槨

上刻所著修養方題曰齊褚澄方後塚發為蕭廣得之遺命其

子淵復為槨用石一片刻前書其上

陳刺史杜僧明墓在高郵州臨澤鎮

隋煬帝陵在府城西北十五里雷塘大業時葬於西院唐武德中奉詔改葬於此

宮人塚在府城西北吳公臺下一名玉鉤斜亦名宮人斜

唐參軍皇甫湜墓在江都縣南郊

尚書王播墓在江都縣官河東

五代吳將軍朱瑾墓在府城外雷塘側

楊行密塚在儀徵縣西七十里吳楊溥僭號尊其父行密武皇

帝墓號興陵

宋侍讀呂文仲墓在府東十里

直秘閣陳良墓 樞密張康國墓俱在府東興寧鄉

轉運使蘇安世墓在府東興寧鄉馬坊村王安石撰誌

司諫陳權墓在府西山

學士孫覺墓在府善應鄉

直秘閣王後又墓在府善應鄉

學士秦定墓在府西山秦家莊觀之諸父也

光祿陳亞墓在府同軌鄉

殿中丞徐元榆墓在府城外曾鞏有誌

國子博士李開墓在江都縣

殿中丞王君墓在江都縣興寧鄉馬坊村曾鞏有誌

聲鶴先生王晞墓在江都縣揚子橋

元總管陳允忠墓在府姚家沙大岸舊有廟

明鎮遠侯顧成墓在府東南三里

尚書高銓墓在府西十里仙人掌李東陽撰墓表

尚書王軌墓在府西北雷塘 侍郎葉相墓在府北門外

光祿卿安金墓在府城西十里

大學士李春芳墓在府城西二十里弘恩寺側

總制曾銳墓在府西金匱山

尚書史可法墓在廣儲門外梅花嶺招魂葬衣冠於此

鄭烈婦墓在府城南新河口

定西侯侯蔣雲墓在府城西金匱山莊

贈太僕少卿房山知縣邨景春墓在府城外金匱山

邨溝城在甘泉縣蜀岡上左傳杜預注云吳將代齊自廣陵城

東築邨城城下掘深溝謂之邨溝城歲久荒蕪宋鮑照作蕪城

賦遂稱蕪城見宋寶祐志趙鶴郡乘又謂蕪城為劉宋時城南北

朝宋鮑照蕪城賦滿池平原南馳蒼梧漲海北走紫塞門掩以

壯當昔全盛之時車掛輶人駕肩屢開樓閣之樂四會五達之

田鍾利銅山才力雄富士精所技能秦法使固令割崇瀟湘

清涵園修世以休命是以版築雄傑之艱并幹梓枳之勤格高

五嶽才廣三墳岸若斷岸龜似長雲製磁石以禦衝潮額壤

以飛文觀基高之固護將蕪世而一層出入三代五百餘載

竟風割而豆分澤葵依井荒高月途遺羅地城階閣廣臨木

魁山鬼野鼠城風風雨嘯皆見晨趨饒廣厲吻寒鷗鷗維

伏越藏虎乳血餐有前榛路呼噪古道白楊早落塞草前

衰後稜霜氣藪風威孤蓬自振驚沙生飛渡奔奔而無際

起黃埃凝思我聽心傷已盡峻隅又已傾直視千里外惟見

哉天道如何春恨者多抽琴心操為蕪城之歌歌田邊風起兮
城上寒井徑滅兮邱隴殘兮齡兮萬代共盡兮何言

興縣城在甘泉縣漢置屬臨淮郡

張公城在甘泉縣漢桓帝時廣陵張嬰所築張綱為郡守單騎
造壘示以恩信嬰悅服歸降因號張公城

新城在甘泉縣即伯埭晉寧康十里謝安出鎮廣陵之步邱築城
即伯埭明歐大任詩云謝公鎮廣陵甘棠人勿剪君見東山雲

何似即伯埭今墟存城廢

寶祜城在甘泉縣舊名堡城即隨建樓故址宋寶祜四年敕大
使賈似道築又有夾城在西北四里亦是時築

隋江都宮在甘泉縣大儀鄉大業元年敕王宏大修江都宮中

有成象殿流珠堂永精殿諸處今宮人盛飾謂之飛仙今為上
方禪智寺又有十宮在城北五里長阜苑內曰歸雁曰回流曰

松林曰楓林曰大雷曰小雷曰春草曰北華曰光芬曰九里

摘星樓在甘泉縣西北城角即迷樓故址宋紹聖三年晁補之
修後為寶祜城樓府志云後有摘星亭摘星臺皆其地

卷書樓在甘泉縣西北隅宋高宗駐蹕揚州以提點廟為尚書

省禮部程俱寓直詩有夜寒持被卷書之句

觀音閣在甘泉縣即迷樓故址舊傳為吳絳仙杭粧臺

雲山閣在甘泉縣西北隅即環碧亭舊址寶祐志云陳升之建

名勝志云呂公著守揚時建落成值中秋燕客其上秦觀即席

賦詩一座歎服

水亭在甘泉縣北隅唐獨孤及建南唐徐鉉引宋齊邱畫本秘謀於此

延賓亭在甘泉縣南唐李昇建以待四方之士宋齊邱為記

吳公臺在甘泉縣劉宋大明三年沈慶之攻竟王誕時所築

督臺高十丈周二百步陳大建中吳明徹圍東廣州增築之以

射城內故名府志云一名雞臺唐武德中葬煬帝於吳公臺下

即此其有路號玉鈞斜為隋宮女葬處

時會堂在甘泉縣蜀岡宋造貢茶之所梅堯臣詩云雨發雷塘

不起塵蜀崑岡上暖先春烟芽才吐朱輪出向此親封御

餅新

平山堂在甘泉縣蜀岡上宋郡守歐陽修建江南諸山拱列麓

下因名咸淳五年李庭芝鎮揚州築城包之城廢堂亦為栖霞

寺僧所據清康熙二十年郡守金鎮建堂寺右堂後增樓五楹

額曰真賞祀歷代賢郡守於其上二十三年聖祖南巡臨幸時

御書怡情二字四十四年又御書平山堂及賢守清風四字額

又有祖御製平山堂詩奉紀首卷

谷林堂在甘泉縣宋元祐中建蘇軾詩深谷下窺窕高林合扶

疎

榮苑在甘泉縣隋大業末帝幸江都大索榮大數斛夜出遊山

放之光遍岩谷故名唐杜牧之詩有秋風放螢苑之句

隋苑在甘泉縣大儀鄉一名上林苑唐杜牧詩紅霞一抹廣陵

春指此

二十四橋在甘泉縣隋置皆以城門坊市為名後周顯德四年

韓令坤築州城分佈阡陌別立橋梁所謂二十四橋者或存或

廢不可得而考矣唐杜牧之寄韓判官詩二十四橋明月夜玉

人何處教吹簫宋歐陽修詩云都將二十四橋月換却西湖十

頃秋

公路浦在甘泉縣伏瀆北征記云袁術自九江來奔袁譚於下

邗經此因名

九曲池在甘泉縣隋煬帝幸江都命樂人橫水調九曲建木

蘭於池上接節歌之因名九曲池宋太祖南征駐蹕池上有龍

闕於池因建九曲亭以表之

雷塘在甘泉縣亦曰雷陂漢江都王建遊雷陂即此唐武德中

改葬隋煬帝於雷陂南平岡上元蘇大年詩云雷塘春雨綠波

濃古塚寒烟蔓草空斜日欲沉山色近行人無處問隋宮

蜀井在甘泉縣蜀岡上禪寺側其泉脈通蜀江相傳有僧洗鉢

蜀江失之從此井浮出僧遊揚識之水味甘冽蘇軾曾取大明

泉較之以為不如也題曰第一泉

宋光祿少卿吳宗恪墓在甘泉縣廣陵鄉曾輩有誌

左安城在揚子縣西二十里宋治平中建地多山谿旁有崇碑道出六合蓋昔時戍守處也

揚子廢縣在揚子縣東南十五里漢江都縣地隋末杜伏威置戍守於此名揚子鎮唐永淳初置揚子縣

太子院在揚子縣橫山西即禪證寺梁昭明太子讀書建堂於此後僧神堅改為太子院

揚子江樓在揚子縣南唐時建府志云宋慶元中郡守吳洪再建於鑑遠亭北更名頴江樓

烟雨青觀在揚子縣西南大江濱宋吳機詩序謂江山一景實儀徵勝槩因建此樓蓋取葉石林半空烟雨之句又建中和樓

在朝宗門上

白沙亭舊在揚子縣白沙洲唐李應物有白沙亭逢吳叟歌宋嘉定間方信孺移於注目亭故址

青鸞亭白鶴亭在揚子縣西小金山宋祥間詔即其地鑄聖像有青鸞白鶴飛繞爐冶之上因立二亭

谿陰亭在揚子縣東范氏園宋蘇軾詩云白水滿時雙鷺下綠槐高處一蟬吟酒醒門外三竿日卧看西南十畝陰

壯觀亭在揚子縣北三里北山之巔宋政和中郡守詹度建米芾題額米詩邀賓壯觀不辭寒玉立風神氣上干又東有扁岫

亭宋發運使張嗣昌創楊萬里有記

鑑遠亭舊在揚子縣潮牆西宋末帝書額後建於城西南白注目亭慶元中又建於頴江樓前仍名鑑遠

天開圖畫亭舊在揚子縣西城上取谷天開圖畫即江山之白以名宋馮熙中郡守姚怡建後因甃城而廢以其名揭於頴江

樓嘉定間吳機別建於朝宗門外江濱又於其後創水竹喜涼漣漪閣凱傳幽五亭

樂遊臺在揚子縣北六里城子山一名東巡臺東園在揚子縣東翼城內宋皇祐間侍御許元建中有澄虛閣

清讌堂共樂堂拂雲臺諸舊蹟附宋歐陽修真州東園記東園之水會故為江淮兩浙荆湖發運使之治所龍圖閣直學士施君正臣侍御史許君子春之為使也得監察御史裏行馬

君仲塗為其判官三人者樂其相得之歡而因其暇日得州之監軍廢營以作東園而日往遊焉歲秋八月子春以其職事走京師園其所謂東園者來以示余曰園之廣百畝而流水橫其

前清池侵其右高臺起其北臺臺以拂雲之亭池吾俯以澄虛之閣水吾泛以畫舫之舟舫中以清讌之堂閣其後以花美本列植而交蔭此前日之蒼烟白雲而荆棘也高蔭巨梅

水光日景動搖而下上其窅闊深觀可以答遠響而生清風此水先日景動搖而下上其窅闊深觀可以答遠響而生清風此

前日之新垣斷整而荒墟也嘉時令節州人士女嘯歌而管絃此而日晦冥風雨無聲鳥獸之鳴者也吾於是信有力焉凡圖

之所載蓋其一二之畧也若乃升於高以望江山之遠近嬉於水而逐魚鳥之浮沉其物象意趣登臨之樂覽者各自得焉凡

工之所不能盡者吾亦不能言也其為我書其大概焉又曰真天下之衝也四方之賓客往來者吾與之共樂於此豈獨私吾

三人者哉然而池臺日益以新草樹日益以茂四方之士無日而不來而吾三人者有時而皆去也蓋不春者於是哉不為之記則後孰知其自吾三人者始也予以為三君子之材賢足以相濟而又協於其職知所先後使上下給足而東南六路之人無不若若慈慈之聲然後休其餘閑又與四方之賢士大夫共樂於此是皆可嘉也乃為之書

梅園在揚子縣西十五里有古意亭宋龔夬間即守吳機建麗芳園在揚子縣城東水滙處內有湖光亭宋知真州孫虎臣所葺

白沙鎮今揚子縣治南唐徐溫自金陵來朝因改白沙為迎鑾鎮

胥浦在揚子縣西十里源自小銅山東南流至城西入於江舊有伍子胥廟浦因名俗傳伍子胥解劍渡江處見吳越春秋歐陽成在揚子縣東北十里水經注云和溝水上承歐陽引江入埭六十里至廣陵城即此梁陳間陳霸先與侯景戰屯之地宋屯田員外郎柳永墓在揚子縣西七里山下新城王士貞分

甘餘話以為王安禮葬之於仙人掌並有詩云江鄉春事最堪憐寒食清明欲禁烟殘月曉風仙掌路何人為吊柳屯田

侍郎楊汲墓在揚子縣西十里陳公塘

侍郎王琪墓在儀征縣

侍制沈鍊墓在揚子縣西十五里弟兵部侍郎錫墓附

發運使許元墓在揚子縣甘露鄉蜀岡歐陽修撰志

少宰吳敏墓在揚子縣北五里北山

太常博士吳祥墓在揚子縣蜀岡曾鞏有誌

處士徵集墓在揚子縣王安石有墓表

元東平路教授張頊立墓在揚子縣蜀岡三城里吳澄撰銘

明尚書單安仁墓在揚子縣舊江口

靖南侯黃得功墓在揚子縣青山

郭貞婦墓在揚子縣西沙清水潭上宋瀛有詩

戶部員外郎孫濟墓在揚子縣蜀岡

清吏部尚書王永吉墓在揚子縣踰蹕寺

知縣劉欽墓在揚子縣青山

都御史李柟墓在揚子縣帶子溝

新城在高郵州東北宋咸淳初揚州制置使畢再遇築土城於

東北二門外與舊城相埒今僅存遺址後再過乃開禧時大將韓威過甚遠似應作開

廣業廢郡在高郵州梁析竹塘三歸二縣置

高郵廢縣即今高郵州治秦高郵亭漢置縣屬廣陵國宋秦觀

詩云吾鄉如覆盂高據陽楚脊環以萬頃湖粘天如四壁故亦

名孟城

臨澤廢縣在高郵州東北九十里劉宋置今為臨澤鎮

龍角院在高郵城內輿地紀勝云院藏一龍角其色瑩然與青

玉無異風雨晦暝則雲氣常覆其上

淮春樓在高郵州西北宋郡守趙不慚建

多寶樓在高郵州北門外太平街西商賈雲集競售珍奇今僅

存橋名寶樓橋

翫珠亭在高郵州北一十里樊良鎮宋嘉祐間天長澤陂有一